



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Completens Constitutiones ab Innocentio XIII. & Benedicto XIII. editas

Luxemburgi, 1740

CCXXV. Extensio literarum Sanct. Suæ circa Tertiarios Ord. S. Francisci, ad
Tertiarios etiam Sæculares dicti Tertii Ordinis.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

stentibus Generalibus d. Ordinis Congregationi Episc. & Regul. pro obtinenda præfata facultate.

Bethlehemitarum nuncupatorum Congregationi Venerabil. Fratrum nostrorum S. R. E. Cardinalium negotiis, & consultationibus Episcoporum, & Regularium præpositæ exposito, quod, licet in Constitutionibus dicti Ordinis a Sede Apostolica confirmatis cap. 2. §. 8. expresse dispositum fuisset, ut non possit admitti in ejusmodi Religionem ullus, qui sit in ordine Sacro constitutus, nec Capellani, nec ullo alio titulo, neque ullus frater ex tunc admittis, & in posterum admittendis ordinari, quia statui Sacerdotali non conveniunt manualia Ministeria, in quibus exercere se debent Fratres prædicti, nihilominus in Capitulo Generali ejusdem Ordinis celebrato anno 1721. in Civitate Liman. resolutam fuerat per communia suffragia, quod expediret habere in præfato Ordine Religiosos, quæ deinceps ad Sacerdotium promoverentur sub quibusdam tamen conditionibus quarum quinta erat, quod in quolibet Conventu non adessent nisi duo Sacerdotes, & in Domibus, quæ Matrices existunt tres, ad effectum supplendi in casum obitus in aliis Conventibus, hæcque, & aliæ resolutiones capto in ejusmodi Capitulo Generali a Nobis confirmata, & approbata fuerant per binas alias nostras in simili forma Brevis die 4. Maji 1725., & die 8. Septembris 1728. de super expeditas literas, & in eadem expositione subjuncto, quod ob exiguum numerum Religiosorum, qui sint habiles ascendendi ad Sacerdotium, ad propter ingentem numerum infirmorum existentium in Hospitalibus, & Conventibus præfati Ordinis contingere posset, quod prædicti infirmi absque Sacramentis decederent, ac proinde ipsorum Exponentium nomine eidem Congregationi Cardinalium supplicato, ut pro opportuno remedio indulgere, ac impertiri vellet perpetuam facultatem Præfeco, & Definitorio generalibus pro tempore existent. dicti Ordinis admittendi imposterum ad habitum, & professionem quoscumque Presbyteros Seculares, & ad sacros Ordines in Seculo promotos, qui ad hoc idonei censerentur, dummodo tamen non excederent numerum præfixum in præcitata quinta conditione cum potestate etiam subdelegandi in Casibus necessariis istam facultatem omnibus Superioribus localibus dicti Ordinis degentibus in Regnis Peruano, & Mexicano, & cum expressa derogatione supradicti Cap. 2. n. 7. Constitutionum, ubi expresse cavetur, ne Presbyteri Seculares, & in Ordinibus sacris constituti in Religionem præfatum admittantur; Emanavit ab eadem Congregatione Cardinalium Decretum tenoris qui sequitur videlicet:

§. 2. Sacra Congregatio Eminentissimorum, & Reverendissimorum Sanctæ Romanæ Ecclesiæ Cardinalium negotiis, & consultationibus Episcoporum, & Regularium præposita, attentis narratis, referente Eminentissimo Cardinali Beluga censuit rescribendum, prout præsentis Decreti vigore benigne rescribit. - Pro gratia, ut petitur Romæ die 30. Septembris 1729. J. Franciscus Cardinalis Lercari. A. Archiepiscopus Pen. Secretarius. Loco + Signilli.

§. 3. Cum autem sicut prædicti Præfectus, & Assistentes Generales Nobis subinde exponi fecerunt, ipsi Decretum hujusmodi quo firmius subsistat, & exactius fervetur, Apostolicæ Confirmationis nostræ patrocinio communiri sumopere desiderent. Nos ipsos Exponentes specialibus favoribus, & gratiis prosequi volentes, illarumque singulares personas a quibusvis excommunicationis, suspensionis, & Interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatae

existunt, ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, Decretum præinsertum auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robor adjicimus, ac omnes, & singulos juris, & facti defectus, si qui desuper quomodolibet intervenerint, supplemus, salva tamen semper in præmissis auctoritate memoratæ Congregationis Cardinalium.

§. 3. Decernentes ipsas præsentis literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissime suffragari, & ab eis respective inviolabiliter observari; sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, necnon præmissis, aliisque dicti Ordinis, etiam Juramento, Confirmatione Apostolica, aut quavis firmitate alia roboratis, statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub annulo Piscatoris die XXX. Septembris MDCCXXX. Pontificatus nostri Anno Sexto.

Confirmatio relati Decreti

Clausula.

Extenduntur Literæ Apostolicæ Sanctitatis Suae, alias editæ circa Tertiariorum de Penitentia, Ordinis S. Francisci, subjectionem Generali, & Superioribus Regularibus Minorum de Observantia; ad Tertiarios etiam Seculares dicti Tertii Ordinis.

CCXXV.

Dicta litera edita fuerunt 1725. Dec. 10. P. 2.

BENEDICTUS PAPA XIII.

Dat. 30. Sept. 1729. An. 6.

Ad perpetuam rei memoriam.

§. 1. EXponi Nobis nuper fecit dilectus Filius Bonaventura Gervasi Procurator Generalis Fratrum Tertii Ordinis S. Francisci, quod cum Ministro Generali pro tempore existenti ejusdem Ordinis in vim Regulæ cap. 2. necnon binarum Apostolicarum, unitus scilicet fel. rec. Clementis VII., quæ incipit: Dum uberes fructus &c. Idibus Martii 1526. & alterius re. mem. Pauli III. Romanorum Pontificum Prædecessorum nostrorum, cujus initium est: Ad fructus uberes &c. Quinto nonas Julii 1547. sub plumbo emanatarum, facultas competat per se, aliove Superiores subalternos recipiendi in eundem Ordinem Tertiarios, etiam Seculares, sive in propriis Domibus degentes, sive collegialiter viventes, quorum aliqui, etiam num reperiuntur, qui ab ipsius Ministri generalis directione dependent; idem Bonaventura ad tollendas quascumque molestias, & vexationes, quas non minus Tertiarii Seculares hujusmodi, quam Minister Generalis, alique Superiores

Exponuntur cause, ob quas prædicta extensio fieri debeat.

Decretum prædictæ Congregat. hac super re emanatum.

Preces pro confirmatione.



subalterni præfati sibi inferri posse venentur ab iis locorum Ordinariis, qui dictos Tertiarios Seculares suæ obedientiæ subjicere vellent, literas nostras itidem sub plumbo Anno Incarnationis Dominicæ 1725. Quarto idus Decembris Pontificatus nostri Anno Secundo editas per quas inter alia Tertiarii de Pœnitentia nuncupati directioni, curæ, & regimini Ministri Generalis, ac Superiorum Ordinis Fratrum Minorum Sancti Francisci de observantia subjiciuntur seu subiecti declarantur, ad Tertiarios ejusdem Tertii Ordinis per Nos extendi plurimum desiderat, quemadmodum ad Tertiarios Fratrum etiam Minorum ejusdem S. Francisci Conventualium, & Capuccinorum nuncupatorum, aliorumque Ordinum Regularium jam extendimus, præsertim quia dictus Tertius Ordo admissus fuit a memoratis Clemente, & Paulo Prædecessoribus in enarratis eorum Constitutionibus ad participationem privilegiorum quatuor Ordinibus Mendicantibus, & nominatim Ordini Fratrum Minorum S. Francisci ab hac Sancta Sede concessorum, Nosque ejusmodi participationem in Literis nostris præfatis confirmavimus, & ad majorem cautelam de novo concessimus: Nobis propterea humiliter supplicari fecit, ut in præmissis oportune providere, & ut infra indulgere de benignitate Apostolica dignaremur.

§. 2. Nos igitur ipsius Bonaventuræ votis hac in re quantum cum Domino possumus favorabiliter annuere eumque specialis favore gratiæ prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine, quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, ac literarum nostrarum præfatarum tenores, & alia quæcumque etiam specificam, & individua mentionem, & expressionem requirentia præsentibus pro plene, & sufficienter expressis, & specificatis habentes, hujusmodi supplicationibus inclinati, literas nostras prædictas, quibus inter alia Tertiarii de Pœnitentia nuncupati directioni, curæ, & regimini Ministri Generalis, ac Superiorum Ordinis Fratrum Minorum Sancti Francisci de Observantia nuncupatorum subjiciuntur, seu subiecti declarantur, sicut præmittitur ad Tertiarios, etiam Seculares Tertii Ordinis directioni, curæ, & regimini pariter subiaceant, auctoritate Apostolica tenore præsentium perpetuo extendimus, & ampliamus.

§. 3. Non obstantibus præmissis, ac Constitutionibus, & Ordinationibus Apostolicis, nec non quatenus opus sit dictorum Ordinum, aliive quibusvis, etiam Juramento, confirmatione Apostolica, aut quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores, præsentibus pro plene, & sufficienter expressis, ac ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris die XXX. Septembris MDCCXXIX. Pontificatus Nostri Anno VI.

CCXXVI.

Revocantur, & annullantur Ordinationes contentæ in quibusdam foliis Gallico idioma sub titulo -- *Mandement de Monseigneur l'Evêque (de Metz) qui défend de reciter l'Office imprimé sur une feuille volante &c.* Cum prohibitione eorumdem Foliorum.

Similis revocatio, & annullatio quarundam ordinationum Episcopi Amiffodunensis facta fuit alia hujus Const. ed. 1729. Sept. 17. P. 6.

BENEDICTUS PAPA XIII.

Ad perpetuam rei memoriam.

§. 1. CUM ad Apostolatus nostri notitiam pervenisset in vulgus circumferri quædam folia Gallico idioma typis impressa sub titulo -- *Mandement de Monseigneur l'Evêque (de Metz) qui défend de reciter l'Office imprimé sur une feuille volante, qui commence par ces mots.* Die 25. Maji in Festo Sancti Gregorii VII. Papæ, & Confess. *Donné à Frescati, le Seizième du Mois d'Août Mil sept-cens-vingt-neuf.* -- Nos quamplures ex Venerabilibus Fratribus nostris Sanctæ Romanæ Ecclesiæ Cardinalibus, aliisque in Sacra Theologia Magistris ad illorum examen delegimus, qui post maturam eorumdem foliorum discussionem, quid sibi ea super re videretur, Nobis retulerunt. Auditis itaque memoratorum Cardinalium, & in Sacra Theologia Magistrorum Sententiis, de Apostolica potestatis plenitudine, Ordinationes in præfatis foliis contentas, nullas, inanes, invalidas, irritas, attentatas, nulliusque omnino roboris, & momenti esse, & perpetuo fore, tenore præsentium declaramus.

§. 2. Et nihilominus ad majorem cautelam, & quatenus opus sit harum serie revocamus, cassamus, irritamus, annullamus, viribusque, & effectu penitus, & omnino vacuumus, ac pro revocatis, cassatis, irritis, nullis, invalidis, & abolitis, viribusque, & effectu penitus omnino vacuis semper haberi volumus, & mandamus; folia vero prædicta tam impressa, quam etiam manu scripta legi, seu retineri tenore pariter præsentium prohibemus, illorumque impressionem, descriptionem, lectionem, retentionem, & usum omnibus, & singulis Christianis fidelibus, etiam specificis, & individua mentione, & expressione dignis, sub pœna excommunicationis per contrafacientes ipso facto absque alia declaratione incurrenda, a quo nemo a quoquam, præterquam a Nobis, seu Romano Pontifice pro tempore existente, nisi in mortis articulo constitutus, absolutionis beneficium valeat obtinere, omnino quoque interdicimus. Volentes, & auctoritate Apostolica mandantes, ut quicumque folia hujusmodi penes se habuerint, illa statim, atque præfatas literas eis innotuerint, locorum Ordinariis, vel hæreticæ pravitatis Inquisitoribus tradere, atque consignare teneantur; hi vero ea sibi sic tradita illico flammis aboleri curent: in contrarium facientibus non obstantibus quibuscumque.

§. 3. Ut autem eadem præfatas literas ad omnium notitiam facilius perveniant, nec quicquam illarum ignorantiam allegare possit, volumus etiam, & auctoritate præfata decernimus, ut illæ ad Valvas Basilicæ Principis Apostolorum, ac Cancellariæ Apostolicæ, Curiaque generalis in Monte Citatorio, & in Acie Campi Floræ de Urbe per aliquem ex Curforibus nostris, ut moris est, publicentur, illarumque exempla ibidem affixa relinquantur, & sic publicatæ omnes, & singulos, quos concernunt, perinde afficiant, ac si unicuique illorum personaliter notificatæ, & intimatæ fuissent.

§. 4. Utque ipsarum præsentium literarum transumptis, seu exemplis etiam impressis, manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides tam in Judicio, quam extra illud ubique locorum habeatur, quæ eisdem præsentibus haberetur, si forent exhibitæ, vel ostensæ.

Datum

Extensio præfata Literarum ejusdem Sanctitatis suæ ad prædictos Tertiarios d. Tertii Ordinis.

Clausula.

Dec. 8. Ob. 1729. An. 6.

Ordinationes, in præfatis foliis contentæ, irritæ declarantur.

Eorum revocatio interdicuntur.

Mandatum publicatio harum literarum.

Fides habenda transumptis.